

**29 ASPIRANT DI SCOL
DI POLIS A HURAMENTA
Y 25 BRIGADIER A
COMPLETA NAN MKO**




WWW.SOLODIPUEBLO.COM



SOLODIPUEBLO@GMAIL.COM

**RIJKSWET HOFA
TRATA DEN
SECRETO: UN
MENAZA DIRECTO
PA NOS STATUS**



**BETICO CROES: E
VISIONARIO CU A
KIBRA E SILENCIO Y
UNI UN PUEBLO CU
TABATA DIVIDI**



**NOTICIA DI
GUERA: ATAKENAN
RIBA IRAN TA
INTENSIFICA**



Corte di Prome Instancia 13 maart 2026

Horario	Sospechoso	Acto Castigabel
14.00	E.J.G.	Pro forma. G. ta wordo acusa di a viola ley di droga y posesion di un arma di candela den e periodo di 22 di mei 2025 te 27 november 2025.
14.00	E.J.D.P. R.I.G.N. O.R.M.D. R.D.F.R. A.R.M.	Pro forma. E sospechosonan ta wordo acusa di a viola ley di droga riba 28 di november 2025.
14.00	J.L.P.	Pro forma. P. ta wordo acusa di posesion di un arma di candela, venta di cocaina y violacion di ley di droga den e periodo di prome di juni 2024 y 2 di december 2025.

Corte di Prome Instancia 16 maart 2026

Horario	Sospechoso	Acto Castigabel
08.30	E.B.A.A. J.S.O.	A. y S.O. ta wordo acusa di importacion di cocaina y marihuana, preparacionnan pa traficacion di cocaina y posesion di arma di candela den e periodo di 8 di juni 2024 y 3 di oktober 2025.

Corte di Prome Instancia 20 maart 2026

Horario	Sospechoso	Acto Castigabel
08.30	D.J.M.E.	E. ta wordo acusa di violacion di un persona riba 15 di juni 2019. Tambe e ta wordo acusa di stalking, di hacking di un computer y di violacion sexual den e periodo di januari 2021 y fin di oktober 2022.
14.00	M-A.C.K. S.A.F. A.J.L.L.	Pro forma. E sospechosonan ta wordo acusa di violacion di ley di droga den e periodo di prome di november 2025 y 5 di december 2025.
14.00	M.S.A.R.	Pro forma. A.R. ta wordo acusa di venta di cocaina den e periodo di 15 di oktober 2025 te 12 di december 2025.

Corte di Prome Instancia 27 maart 2026

Horario	Sospechoso	Acto Castigabel
08.30	D.A.T. E.M.T.	E sospechosonan ta wordo acusa di a viola di ley di droga di prome di januari 2025 te 9 di oktober 2025.
10.00	E.D.C.	C. ta wordo acusa di ladronicia na december 2025

NOTICIA
DI GUERA:
ATAKENAN
RIBA IRAN TA
INTENSIFICA



TEHRAN – E guerra entre Israel i Merca contra Iran a drenta su di nueve dia, dia 8 di Maart 2026, cu un escalacion drástico di atakenan aéreonan i misilnan cu a causa destruccion grandi den e capital Tehran i otro ciudadnan estratégico.

Atake riba Infraestructura di Petróleo

Durante e último 24 horanan, e forzanan combiná di Israel i Merca a cambia nan strategia pa focus riba e sector di energía di Iran. Pa promé biaha den e conflicto aki, a lansa atakenan directo riba refinérianan i depósitonan di petróleo na Tehran. Columnanan di candela por a ser mirá for di leu, segun testimonionan i videonan cu a circulá riba rednan social.

E Promé Ministro di Israel, Benjamin Netanyahu, a declará ayera tardi cu e próximo fase di e operacion militar lo trece "hopi sorpresa" pa e régimen iraní. Di su banda, Presidente di Merca, Donald Trump, a afirmá for di Air Force One cu e atakenan ta logrando "victoria rápido".

Caos Político i Humanitario

E situacion interno na Iran ta sumamente tenso. Awe, miembronan di e Asamblea di Expertenan a confirma cu nan ta den un reunion urgente pa scohe un successor pa e liderasgo religioso di e pais.

Segun informacionnan di Cruz Cora, e cantidad di morto a surpasá 1,200 persona, causando un crisis humanitario den e centronan urbano caminda bida normal a para completamente. E mundo ta observa cu miedo pa un guerra regional mas amplio, mientras forzanan internacional ta purba pa evita mas sanger.

BETICO CROES: E VISIONARIO CU A KIBRA E SILENCIO Y UNI UN PUEBLO CU TABATA DIVIDI

Pa hopi aña, e soño di libertad di Aruba tabata parse un recuerdo di pasado. Despues di e prome esfuersonan di Separacion na 1948, e lucha a drenta un fase di scuridad y stancamento total. Durante e periodo di 1949 pa 1971, Aruba no a logra absolutamente nada riba e tereno di autonomia. Un Isla Dividi pa Interesnan Politico

E motibo principal pa e falta di progreso tabata e division profundo causa pa e partidonan tradicional di e tempo ey:

PPA: A enfoca riba un politica di fragmentacion, partiendo e pueblo den gruponan etnico apart (Boneriano, Curasoleño, Surnameño, etc.), cada uno cu nan mesun lidernan no-Arubiano.

AVP: A hiba un lucha excluyente, unda tabata considera solamente esnan naci na Aruba como parti di e causa.

E rivalidad aki a crea un muraya cu a stroba e formacion di un bloke nacional uni. Resultado? Un bashi total di 22 aña sin mocionnan, sin referendumnan, sin manifestacionnan y sin un vision pa simbolonan nacional manera un himno of bandera. E



lucha pa libertad tabata morto.

1971: E Cambio di Rumbo cu MEP y Betico

Mirando e desunion aki, Betico Croes a lanta na 1971 cu e fundacion di partido MEP. Betico a compronde un berdad fundamental: sin union no tin libertad. E no a mira Aruba como un coleccion di grupo separa, sino como un solo pueblo. Su pensamiento tabata revolucionario:

Arubiano no ta solamente esun naci aki, sino tur esnan cu a bin di exterior, cu ta stima e tera aki y a haci Aruba nan hogar.

Simbolonan di Union y e Caminda pa Status Aparte

Pa concretisa e union aki, Betico a introduci e proposicion pa nos propio Himno y Bandera na maart 1976. Esakinan no tabata djis pida paña of un cancion; nan tabata e hermentnan pa uni un pueblo



dividi bou di un solo identidad.

Ta danki na e curashi y e vision di Betico Croes pa kibra e stancamento di e añanan anterior, cu Aruba a logra lanta bek. E union cu el a crea tabata e motor cu a hiba nos na e gran logro di Status Aparte. Awe, nos ta celebra cu e mesun simbolonan cu un tempo e oposicion a nenga, awor ta wordo honra pa tur como e fundeshi di nos nacion.

TUMA ACCION PA PREVENI, PROTEHA Y STOP DENGUE CON NOS POR STOP DENGUE?



MOTOCICLISTA TRANSPORTA DEN ESTADO CRITICO PA HOSPITAAL



Pos Chikito - Diabierna atardi a sosode un accidente hopi serio entre un brommer y un auto. Esaki a sosode riba e caminda paden di Pos Chikito cu ta bay pa Tele Aruba.

Rond di 4'or y mey polis y ambulance a sali pa Pos Chikito, unda cu na yegada ta topa cu un brommer y un Nissan Cube color bruin.

Na banda di e auto e motociclista hoben seriamente herida cu golpinan fuerte na cara y

tawata sangra hopi. Mester remarca, cu e motociclista tawata tin su helm bisti, pero asina mes a impacto a resulta net unda e helm tawata habri.

LOCUAL A SOSODE

Na e sitio nos a compronde di e chauffeur di e Nissan, cu e lo a caba di traha trempan y tawata bayendo cas y a bay bira na su man robes y no a mira e brommer cu tawata casi eynan mes y riba un velocidad.

E impacto tawata hopi


fuerte, na e banda drechi di e Cube altura di e windshield.

Paramediconan mester a traha hopi lihe cu e motociclista pa hib'e Hospitaal, unda cu mester a pidi ayudo di polis pa cera algun caya pa nan por yega mas lihe posibel.

Polis di trafico na e sitio a pidi pa BFTO [departamento tecnico] pa compila evidencia nan necesario, di e accidente serio aki.

Mrs. Lacle

RIJKSWET HOFA APROBA DEN SECRETO: UN MENAZA DIRECTO PA NOS STATUS APARTE



ORANJESTAD / DEN HAAG – Diabierna último, den un atmosfera di secreto i sin previo aviso na e pueblo di Aruba, e Consejo di Ministronan di Reino (Rijksministerraad) na Hulanda a duna su aprobación na e Ley di Reino pa Supervisión Financiero, mihor conocí como HOFA y a mande raad van state pa consejo.

E noticia aki a cai manera un baño di awa friuw den e circulo politico, no solamente pa e contenido di e ley, sino pa e manera "secretk" cu el a ser trata, leu for di e bista di Parlamento di Aruba.

Entrega di Autonomía sin Necesidad

Segun analistanan constitucional, e Rijkswet HOFA ta representa un menaza directo i sin precedentes pa nos Status Aparte. E ley aki ta duna Hulanda e poder legal pa intervení den e decisionnan financiero i económico di nos isla pa un tempo indefiní. Hopi



ta cuestiona e "necesidad" di e ley aki, considerando cu Aruba a demostra capacidad pa maneha su mesun presupuesto den e ultimo añanan.

Cu e aprobación di HOFA, Aruba ta entregando partinan vital di su soberanía i autonomía, bolbiendo masha cerca di e era prome cu 1986, caminda Den Haag tabatin e último palabra riba e placa di e Arubiano.

Silencio den cas di Mike Eman i Gerlien Croes

Loke a hala atencion di hopi observador ta e silencio profundo for di e lidernan di oposicion i coalicion. Ni Mike Eman, lider di AVP, ni e Parlamentario Gerlien Croes, no a emití ningun declaración oficial tocante e golpi aki contra e autonomia di Aruba.

E falta di reacción aki ta wordo mira como un señal alarmante. E pueblo ta puntra su mes:



¿Ta trata aki di un complicidad silencioso of un falta di poder político pa frena Hulanda?

Un Futuro Incierto pa e Ciudadano

Mientras cu e politiconan ta keda den silencio, e realidad ta cu HOFA lo afecta tur sector di e economía Arubiano. Ora cu un ley di Reino asina drenta na vigor, e no ta simplemente un "supervisión", sino un control rígido cu por frena inversionnan local i decisionnan social cu ta beneficia e pueblo.

E pregunta cu ta keda den aire ta: ¿Cuanto mas di nos Status Aparte nos ta dispuesto pa sacrifica prome cu nos reacciona? Status Aparte no tabata un regalo, e tabata un lucha, i awe, e ta parece di ta slip for di nos mannan den un reunion den secreto na Den Haag.

Clasificados










SOLODIPUEBLO@GMAIL.COM

CEL. 585 9500



LA QUINTA BEACH RESORT A INVITA TURTUGARUBA PA CONSCIENTISA SU MIEMBRONAN RIBA TEMPORADA DI TURTUGA Y COMPORTACION RESPONSABEL NA EAGLE BEACH



EAGLE BEACH, ARUBA — Como parti di su compromiso continuo cu turismo responsabel, La Quinta Beach Resort a dedica su mas reciente encuentro di Eagle's Nest Gathering na un tema esencial pa nos isla: proteccion di turtuga di lama. Pa esaki, e resort a invita Turtugaruba Foundation pa conecta directamente cu su miembronan y stakeholder.

Durante e anochi, Turtugaruba a comparti informacion valioso riba nan trabou, for di monitoreo diario di beach y di neishi, te cu rescate, investigacion cientifico y programa di educacion comunitario.

E mensahe tabata cla, proteccion di turtuga di lama no ta solamente trabou di un fundacion, pero un responsabilidad comparti entre sector turistico, comunidad local y bishitantenan.

E encuentro a ofrece espacio pa reflexiona riba con simpel accionnan, manera respeta distancia, limita luz artificial y raporta actividad sospechoso riba nos beachnan, por tin un impacto directo riba sobrevivencia di e especie.

Dia 1 di maart, e temporada cu turtuga di lama ta pone webo riba nos beachnan a oficialmente inicia. Ta importante pa ta alerta durante maart te cu september riba cualkier

pista cu lo por ta di turtuga di lama. Por tuma contacto directo na e Turtle Hotline +297 5929393 pa manda potret of video, hunto cu e localidad cu a nota posibel movecion di turtuga di lama.

Tambe ta importante pa recorda cu luz artificial, incluyendo luz di pantaya di telefoon, flash y di auto, por desorienta turtuganan, specialmente crianan. Ora bishita beach anochi, mantene scuridad y respeta e proceso natural di turtuga di lama pa pone webo.

La Quinta a tuma paso concreto pa adapta tur

su luznan exterior pa cumpli cu e standardnan di proteccion di turtuga di lama, reduciendo e impacto di luz artificial riba beach y aportando activamente na conservacion di e especie.

Turtuga di Lama ta haci algo extraordinario, cada pasa 2 pa 5 aña, nan ta bolbe bek na e mesun beach unda nan a nace pa pone nan webo. E mesun orguyo cu nos como local tin pa Aruba, e turtuganan tambe ta regresa na nan tera natal pa continua nan ciclo di bida riba nos isla. La Quinta ta reconoce cu proteccion di nan habitat ta un responsabilidad

comparti. Pa e motibo aki e resort ta fortifica su rol como aliado den sobrevivencia di e especie y ta haci un yamada na tur hotel y establecimiento cerca di beach na Aruba pa implementa practicanan similar. Por acudi directamente cerca Turtugaruba pa guia y tambe pa bira boluntario.

Segun dato comparti door di Turtugaruba Foundation, solamente 1 di cada 1000 cria ta sobrevivi pa yega madurez, pues un simpel cambio di luz por ta e diferencia entre bida of morto, conservacion of extincion.

Parlamentario Eduard Pieters (PPA): “FUTBOL FEMENINO NA ARUBA TA CONOCE UN EMPUHE STRATEGICO CU E APOYO DI FIFA”



Parlamentario Eduard Pieters a bishita Arubaanse Voetbal Bond (AVB) pa conoce di cerca e Women's Development Program, un plan strategico enfoca riba desaroyo di futbol femenino na Aruba. Pa Pieters, e encuentro no tabata solamente un presentacion deportivo, tabata un reflexion riba liderazgo, igualdad di oportunidad y inversion den futuro di nos hubentud.

Futbol femenino no ta un tema secundario. Ta un motor di desaroyo social y personal, cu ta forma caracter, disciplina y liderazgo den generacion nobo di e deportistanan.

Un plan strategico cu vision

Durante e presentacion, AVB a comparti su programa completo basa riba varios pilar strategico, entre nan liderazgo, desaroyo

deportivo, participacion y fortalecimiento institucional. E meta ta cla: crea un estructura sostenibel pa futbol femenino, unda e muchanan y e damanan por desaroya nan talento y nan personalidad como lider den deporte y den comunidad.

Segun Pieters, deporte semper ta un scol di liderazgo. Un deportista ta siña disciplina, traha den ekipo, resiliencia y responsabilidad, pues e habilidadnan cu despues ta refleha den tur otro aspecto di bida. P'esey, e programa aki no ta solamente pa gana partido, pero tambe ta pa forma futuro lider.

Rol di Parlamento den desaroyo deportivo

Como parlamentario, Pieters a enfatisa cu Parlamento tin un rol importante pa sostene desaroyo deportivo. “No solamente cu palabra,



pero cu maneho publico. Parlamento por haci e preguntanan relevante na minister concerni, promove maneho pa deporte hubenil y incluso presenta e mocionnan pa fortalece financiamiento pa desaroyo deportivo”.

Segun Pieters, inversion den deporte ta inversion den sociedad. Futbol femenino merece e mesun oportunidad y sosten cu cualkier otro disciplina deportivo.

FIFA como motor di desaroyo

Un elemento crucial tras di e progreso di futbol na Aruba ta e tremendo colaboracion cu FIFA. Organizacion mundial di futbol ta inverti den infraestructura, capacitacion y programa di desaroyo. Pero e

colaboracion aki no ta automatico. E federacion nacional mester cumpli cu exigencianan di gobernacion, transparencia y planificacion strategico. Segun Pieters, AVB ta demostra cu ora un federacion cumpli cu e standardnan internacional, inversion y confianza ta sigui.

Hubentud motiva cu bandera di Aruba na pecho

Durante e evento, Pieters tambe a haya oportunidad di combersa cu algun di e hungadornan di seleccion femenino. Loke a impact'e mas tabata e motivacion di e damanan hoben cu ta representando Aruba. “Bo por wak claramente e orguyo cu nan tin pa Aruba,” el a comenta. “Muchanan cu ta pone e

bandera na pecho y cu ta soñando grandi.”

E energia aki ta muestra cu futbol femenino no ta solamente creciendo sino ta inspirando.

E presentacion di Women's Development Program ta muestra cu Aruba tin talento, vision y liderazgo pa sigui eleva futbol femenino. Pero progreso sostenibel ta pidi compromiso continuo di federacion, gobierno y comunidad.

Finalmente Eduard a expresa: “Fraccion di PPA ta expresa su apoyo pa iniciativa cu ta promove igualdad di oportunidad, liderazgo hubenil y orguyo nacional. Pasobra ora nos inverti den deporte, nos no ta solamente creando campeon, nos ta formando ciudadanonan fuerte pa futuro di Aruba”.

29 ASPIRANT DI SCOL DI POLIS A HURAMENTA Y 25 BRIGADIER A COMPLETA NAN MKO



Diahuebs mainta a tuma luga un ceremonia special di Cuerpo Policial Aruba, den presencia di Minister di Husticia, mr. drs. Arthur Dowers, Altocomisario Ramon Arnhem, Comisarionan di Polis y famianan di e aspirantnan.

Durante e ceremonia, un total di 29 aspirant di Scol di Polis Edgar Joaquin “Watty” Vos a huramenta y awo tin autoridad por traha proces-verbaal y carga nan ekiponan necesario pa eherce nan funcion den practica. E huramentacion a tuma luga den dos grupo: 15 aspirant di klas N4-2024 y 14 aspirant di klas N4-2025.

E paso aki ta forma parti di e curiculo di e educacion policial cu ta dura 4 aña, cu finalmente mester conduci na obtencion di nan diploma di MBO y preparacion profesional pa

sirbi comunidad di Aruba. Ademas di esaki, un total di 25 brigadier a completa nan Middenkaderopleiding y awo nan tin e oportunidad pa yega e rango di hoofdagent, marcando un paso importante den nan desaroyo profesional den Cuerpo Policial Aruba.

Durante e ceremonia, Minister Dowers a dirigi palabra na e grupo di hoben polis y a comparti un mensahe profundo riba e gran responsabilidad cu nan ta asumi. E mandatario di husticia a enfatisa cu polis tin un rol fundamental den mantene paz, orden publico y siguridad den nos comunidad. E trabao di polis ta exige integridad, disciplina y dedicacion continuo pa proteha comunidad y mantene tranquilidad den sociedad. Ademas Minister Dowers a pone enfasis riba e

importancia di respet mutuo entre colega den Cuerpo Policial Aruba. Segun Minister, respet interno ta forma e base pa confiansa y bon colaboracion den di e organisacion. Respet pa otro y pa comunidad ta crea e fundeshi pa gana respet di comunidad. Confiansa di pueblo ta basa riba profesionalismo, integridad y e manera con polis ta trata comunidad.

E ceremonia a marca un momento importante pa Cuerpo Policial Aruba y pa e hobennan balente profesional cu awo ta tuma e siguiente paso den nan carera den servicio di siguridad, orden publico y paz den nos pais. Na final Minister Dowers a felicita cada aspirant y brigadier cu e logro importante aki den nan carera y a desea cada un exito y perseverancia.

GABINETE AVP-FUTURO TA SIGUI CUMPLI “BAN FIRMA”

Awe 20 famia mas finalmente ta doño di nan propio hogar



Durante un ceremonia especial na Fort Zoutman, 20 ciudadano a ricibi e acta oficial di erfpacht di nan cas, un paso importante cu finalmente ta reconoce nan como propietario legal di e vivienda caminda nan a biba pa hopi aña.

Durante añanan, diferente habitante di casnan di pueblo rond di Aruba a haya oportunidad pa cumpra e cas cu nan tabata biba aden for di Fundacion Cas pa Comunidad Arubano (FCCA). Hopi di nan a logra paga nan cas completamente, pero e proceso di traspaso oficial di e propiedad a enfrenta retraso pasobra e tereno tabata registra riba nomber di Pais

Aruba.

Desde cu Gabinete AVP-Futuro a asumi gobernacion, gobierno a pone como prioridad pa scucha e comunidad y atende preocupacionnan cu ta surgi durante contacto directo cu comunidad. Un di e temanan cu regularmente a bin dilanti tabata precisamente e situacion di e habitantenan cu a paga nan cas pero cu ainda no tabatin e acta oficial di propiedad.

Prome Minister Mike Eman a tuma e peticionnan aki hopi na serio y a convoca algun reunion cu representante di FCCA, Directie Infrastructuur en Planning (DIP) y Dienst Landmeetkunde en Vastgoedregistratie (DLV) pa busca solucion. E esfuerso conhuntito aki a resulta den e posibilidad pa finalmente completa e proceso di traspaso.

Durante su discurso, Prome Minister Eman a resalta cu e momento aki, cual tin un significado special, particular den marco di 40 aña di Status Aparte y e lucha historico di pueblo Arubiano pa logra mas autonomia. “E lucha pa autonomia tabata basa riba e idea cu Aruba mester tin mas derecho pa determina su propio prioridadnan, pero tambe pa percura cu e recursonan di nos pais ta keda comparti den forma husto cu nos comunidad. E motibo cu nos ta aki awe ta precisamente pa cumpli cu e responsabilidad aki: percura cu tur ciudadano por tin un bida digno y di calidad.”

Durante su discurso, Prome Minister Mike Eman a recorda e pensamiento di su abuelo, lider historico Henny Eman, citando un fragmento di un discurso den Hulandes cu ta refleha e



filosofia di gobernacion basa riba responsabilidad y husticia pa comunidad.

“Niemand, hooggeplaatst of niet, geen bestuur, geen landraad, geen ingezetenen heeft de huidige gunstige economische toestand op onze plaats gecreëerd. Doch de hand der voorzienigheid. En steeds blijft de zorg van de hemel, die voor geen mens door zijn kunstmatige middelen voorzien kan worden. De landraden zijn er als hoofzaak om naast het plaatselijk bestuur te zorgen dat wat ons hemelse vader ons geeft, naar verhouding en gelijk wordt verdeeld onder ons volk.”

Prome Minister Eman a splica cu e mensahe aki taun recordatorio, cu e responsabilidad di gobierno ta pa percura cu e bienestar di e pais ta comparti hustamente cu e pueblo, un principio cu tambe ta refleha den e esfuerso pa haci posibel cu famianan finalmente por bira doño di nan propio cas. Eman a agrega cu e entrega di e actanan di propiedad ta representa mas cu un proceso administrativo, pero un paso importante pa cumpli un compromiso cu famianan cu pa añanan a warda pa e momento aki. “Boso a spera hopi tempo pa e momento aki, y awe nos ta contento cu finalmente nos por

cumpli cu boso. Mi desea boso hopi bendicion den boso mesun cas.”

E ceremonia a tuma lugar den presencia di Minsiter di Infrastructura drs. Rene 'Baba' Herdé, representante di FCCA, funcionario di DIP y DLV, notario y famia di e beneficiario nan.

Prome Minister tambe a expresa palabra di gradicimento na tur esnan cu a contribui pa haci e proceso posibel, incluyendo funcionario di diferente departamento gubernamental y representante di FCCA cu a traha hunto pa logra e resultado aki.

Gobierno ta sigui traha riba iniciativa pa alivia escasez di vivienda, incluyendo cooperacion entre sector priva y gobierno pa stimula construccion di vivienda di calidad y pagabel. E vision tambe ta inclui renovacion y revitalisacion di bario, brindando oportunidad pa famianan hoben, profesionalnan hoben y adulto mayor pa haya un lugar digno pa biba.

Cu e entrega di e erfpachtakte aki, 20 famia Arubiano mas a logra un paso importante den nan bida: e siguridad di por bisa cu nan ta doño di nan propio cas.

LEY DI CONSENSO DI REINO FINANSA PUBLICO DURADERO ARUBA ATROBE UN PASO MAS CERCA

E proposicion pa un Ley di consenso di Reino finansa publico duradero Aruba (HOFA) ta bay Raad van State di Reino pa conseho. Conseho di Minister di Reino a bay di acuerdo cu esey awe. Cu esey, despues di finalisa e consulta, a dal atrobe un siguiente paso pa realisa e proposicion di ley aki di Aruba y Hulanda conhunto.

Den e ley di consenso di Reino HOFA, tin reglanan stipula pa logra y mantene finansa publico di Aruba solido. Un presupuesto responsabel y bon maneho financiero ta contribui na esey. E ley di consenso di Reino ta directamente asocia cu e ‘Ordenansa Nacional pa garantisa finansa publico duradero (Lwho)’. Esaki ta un ley di pais Aruba mes. E normanan den e ley di Reino y e ordenansa nacional ta basa riba recomendacionnan di Fondo Monetario Internacional.

Gastonan di interesnan mas abou
Unabes cu e ley dreठा na vigor, Aruba por haci uzo di un facilidad di fianса cerca Hulanda. Asina e pais por presta placa pa haci inversionnan publico bou di e mes condicionnan faborabel cu Hulanda tin. Ademаs Hulanda ta dispuesto pa refinancia un parti di e fianсанan Arubiano riba mercado di capital Merikano. Ademаs a palabra cu Aruba lo bay paga un interes mas abou pa e fianса cu el a haci cerca Hulanda durante e pandemia di Corona. Tur e palabracionnan aki ta percura pa baha e gastonan di interes di Aruba. E interes cu Aruba ta spaar por ser uza pa inversionnan den propio pais, manera por ehempel den enseñansa, cuido y economia.



Secretario di estado di Asuntunan Interno y Relacionnan den Reino Eric van der Burg: “Atrobe a dal un paso importante den direccion di finansa publico solido pa Aruba. Hulanda y Aruba ta trahando hunto desde medio 2024 riba e proposicion di ley, di manera cu gobierno Arubiano, riba termino mas largo tambe, por haci mas inversion cu ta beneficia habitantenan y economia. Cu esaki ta regla finansa publico duradero, supervision y facilidad di fianса den un ley di Reino, mescos cu pa Corsou y Sint Maarten. Mi ta contento

cu hunto nos ta pone nos esfuerzo bou di esaki.”

Prome Minister di Aruba Mike Eman: “Esaki ta un momento importante di tranquilidad pa Aruba y Reino. Especialmente den un mundo cu ta bira cada bes mas turbulento y impredecibel, ta crucial cu confiansa, estabilidad y colaboracion ta existi dentro di Reino.

Trahandu hunto, nos por cumpli mihor cu e retonan di nos tempo y traha riba inversionnan cu ta sirbi e Biennan Comun di Aruba y di Reino.”

Clasificados



SOLODIPUEBLO@GMAIL.COM

CEL.585 9500





Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - March 08, 2026

 Sorteo # 4912 6935 2258 1219  fp  Sorteo # 4912 8857  x2  Sorteo # 2968 8141  Sorteo # 4912 0429 Capricorn  Sorteo # 1786 607  fp	 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 240.000,-	 Sorteo # 7118 0 x Jackpot 7 x Match 4 166 x Afl 8,00 03-12-18-23-27 Proximo Jackpot 95.000,-	 Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00 Mega Ball Proximo Jackpot 300.000,- Afl. 420.000,-	 Sorteo # 
---	--	--	---	--



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - March 08, 2026

 Sorteo # 8794 6168 9938 3365  X2  Sorteo # 7838 5147  FP  Sorteo # 2543 4717  Sorteo # 6597 3927 Libra  Sorteo # 1526 899  fp	 Sorteo # 2677 0 x Jackpot 0 x Match 4+ 4 x Match 4 219 x Afl. 12,00 07-24-28-30-31 Joker 13 Letter M Proximo Jackpot 240.000,-	 Sorteo # 7117 0 x Jackpot 9 x Match 4 198 x Afl 8,00 07-10-24-27-28 Proximo Jackpot 88.000,-	 Sorteo # 1850 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00 Mega Ball Proximo Jackpot 300.000,- Afl. 420.000,-	 Sorteo # 
--	--	--	--	--

Parlamentario Ing. Carlos Bermudez (AVP):

PUEBLO KIER SA DICON TA REINA UN ‘FREE FOR ALL’ DEN SECTOR DI TRANSPORTE

ORANJESTAD (5 di maart 2026) – Parlamentario di AVP, Ing. Carlos Bermudez, a expresa su preocupacion pa e situacion actual den sector di transporte turistico y publico. Segun e parlamentario, diferente señal y keho di operadornan cu permiso legal ta muestra cu e falta di ordo y disciplina ta aumentando, creando un situacion cu algun ta describi como un “free for all”. Bermudez a indica cu e situacion aki ta afecta no solamente e sector mes, pero tambe e imagen di Aruba como destino turistico. “E sector di transporte ta representa Aruba diariamente na miles di bishitante. Ora profesionalismo y ordo ta bin den duda, e reputacion di nos pais tambe por ta afecta,” Bermudez a declara.

Den e contexto aki, Bermudez a tuma nota di un incidente grave cu a sosode diabierna, 27 di februari 2026, unda segun informacion y video cu ta circula publicamente, a tuma luga un pelea entre tour operators. E parlamentario a condena e incidente aki rotundamente, señalando cu comportacion di e tipo aki ta completamente inaceptabel pa operadornan cu ta representa e sector di transporte turistico di Aruba.

Den cuadro di transparencia y responsabilisacion, Bermudez a dirigi un serie di pregunta formal na Minister di Transporte Publico, mr. Arthur

Dowers. Entre otro, e parlamentario ta pidi pa informa ki accion concreto Korps Politie Aruba (KPA), Departamento di Transporte Publico (DTP) y minister a tuma, y ki dia exactamente, si esey ta e caso.

Ademas, Bermudez ta busca claridad si e incidente a involucra operadornan cu tin nan propio permiso of si ta trata di hulpchauffeur(s) cu ta opera bou responsabilidad di un vergunninghouder. Tambe a pidi pa indica cua ta e sancionnan cu por aplica den tipo di caso aki, y si nan ta suficiente fuerte pa preveni cu incidente similar ripiti.

Otro punto importante cu Bermudez a trece dilanti ta e capacidad di supervision den sector. E ta pidi minister pa informa si Departamento di Transporte Publico (DTP) tin suficiente personal, capacidad y instrumento legal pa actua rapidamente.

Ademas di esaki, Bermudez a muestra preocupacion tocante e aumento di actividad di taxi pirata, señalando cu cada bestin mas indicacion cu algun operador ilegal ta ofrece nan servicio via media social. Segun e parlamentario, e fenomeno aki ta crea competencia in husto, pone siguridad di pasaheronan na riesgo, y causa frustracion bou di operadornan cu ta cumpliendo cu ley. P’esey ta pidi minister indica cua medida concreto lo tuma pa elimina e fenomeno di taxi pirata y proteha e sector legal.

Finalmente, Bermudez ta propone pa considera


forma un Task Force interinstitucional cu por inclui, entre otro, DIMP, Korps Politie Aruba (KPA) y Departamento di Transporte Publico (DTP). Un structura di cooperacion asina por yuda atende mal comportacion, combati taxi pirata y trata situacionnan cu ta menasa siguridad y profesionalismo den transporte publico.

Bermudez a conclui cu pa mantene confianza den sector di transporte y proteha e imagen di Aruba



como destino turistico, y reglamento di forma ta esencial pa aplica ley consistente y decisivo.

CROSSWORD WORD SEARCH PUZZLE



Across

3. A big fruit you eat in the summer.

5. What fruit do monkeys like?

6. A red fruit.

Down

1. Purple fruit.

2. A small red fruit.

4. _____ juice.



UN ARUBA LIMPI, TA UN ARUBA DUSHI PA BIBA

Gran participacion di comunidad den prome edicion
di “Baki den Bario” pa 2026



Bon tempran diasabra mainta, desde 6:00 di mainta, ya tabatin un rij largo di vehiculo den area di Tanki Leendert pa haci uso di e servicio

di “Baki den Bario”, iniciativa di gobierno lidera door di Prome Minister Mike Eman pa facilita ciudadano, e oportunidad pa deposita sushi/ desperdicio den un manera organisa.

E participacion tabata notabel. Mas cu 450 vehiculo a pasa durante e mainta pa entrega material y desperdicio. En total a haci uzo di 42 baki di Ecotech y 18 baki di Serlimar, cu a permiti cu e operacion a gana eficientemente.

E accion aki, realiza danki na colaboracion estrecho di diferente instancia y partner, entre nan Carentra, DOW, City Inspector, Serlimar

y Ecotech, hunto cu ploegnan di City Inspector encarga cu mantencion di limpieza y e boluntarionan cu ta contribui pa haci e union entre comunidad y gobierno cada biaha mas fuerte.

Segun Prome Minister Mike Eman, e participacion activo di comunidad ta muestra cu iniciativa manera Baki den Bario ta responde na un necesidad real den e barionan di Aruba. E accion ta forma parti di un esfuerzo continuo pa mantene Aruba limpi mientras gobierno ta traha cerca di ciudadano.

Un palabra special di gradicimento a wordo expresa na tur esnan cu a contribui na e prome edicion di Baki den Bario pa 2026, incluyendo e trahadonan di diferente departamento, partnernan priva y tur ciudadano cu a presenta bon tempran pa sostene e iniciativa aki.



Cu participacion manera esaki, gobierno ta reafirma su compromiso pa sigui fortalece e colaboracion cu comunidad y segura cu

iniciativa manera Baki den Bario ta continua como un instrumento efectivo pa mantene nos isla limpi.



E MOMENTO A YEGA 2 CRONICANAN 7:14. ARUBA , CARIBE HULANDES Y HULANDA LO UNI DEN ORACION

Ta un momento spera pa hopi hende, caminda nos poblacionnan lo uni dilanti di Dios, incluyendo tur hende, no ta importa na unda bo ta, pasobra nos tur stima nos isla Aruba , Caribe Hulandes y Hulanda caminda nos tin miles di famia ta biba.

Tur cos a cuminsa 25 anja pasa ora Johny Habibe q.e.p.d. a duna nos e prome oportunidad pa tene un marathon di Oracion, Palabra di Dios, Alabansa y testimonio na radio HIT94FM, riba diabierna Santo.

Pesey humildemente nos kier avisa na henter nos

poblacion, cu Diabierna Santo 3-4-2026:

Fundacion E Fortaleza y Sosten pa Famia, HIT94FM, Telearuba, 24ora.com, Earubianonews y tur otro media cu ta desea di participa lo uni den un solo transmishon di 7 ora, live cual lo por wordo mira riba pantaya grandi di Telearuba, den tur cas, den KIA, Hospitaal etc y mescos riba 24ora.com Earubianonews y scucha y mira via HIT94FM y tur otro media, cu ta desea pa transmiti por hanja e link.

Nos no tin nada di sconde, ni tampoco di tira falta

riba otro, pasobra tira falta riba otro no ta drecha nada, simplemente ta trece rabia, enemistad, menosprecio y falta di pordon.

Nos ta bay uni y saca cara di Aruba, pa henter mundo por sa cu na Aruba nos ta duna Gloria, na Dios y nos ta humiya nos mes, nos ta haci oracion, nos ta busca Su cara, y nos ta bira bek for di nos mal camindanan, y Dios lo scucha y E lo sana nos tera.

Pa hopi tempo tin hopi famia ta pasa den dolor, Bida di hende no ta wordo respeta,

Uso di alcohol y droga a aumenta, Cada rato tin adicto nobo den caya.

Accidente cu morto den trafico pa motibo di alcohol, Hendenan cu ta bay perdi riba laman, Famianan kibra, Hobennan birando bandido, Reglamento di cuenta, Uso di arma di candela, Tur clase di abuso di mucha y tambe hende grandi, Divorcio kibrando record. Suicidio ta alarmante.

Y awor e situacion di salud mental cu mester di atencion di nos tur.

Pesey a yega e momento y e momento ta awor, cu di curason, stimando nos cas y nos famia, stimando nos pueblo, nos lo bay den Oracion dilanti di Dios, pa asina Dios interveni den e asunto aki, y nos lo mira cambio, pasobra locual nos ta bay haci ta para scirbi cu nos mester hacie y nos ta responsabel dilanti di Dios.

Dios ta yamando su pueblo, nos sa cu nos ta bibando den tempo trabahoso y pesey nos mester acudi serca Dios.

Humildemente nos ta puntra si bo ta sinti den bo curason cu Aruba, Caribe Hulandes, y Hulanda mester di esaki, bo por duna un Simia di Apoyo (Donacion of Ofrenda) segun bo forsa pa cubri gastonan di Transmision. Pa asina henter nos poblacion wordo bendiciona.

Bo por hacie via online na Caribbean Mercantile Bank acct 65779308 att: Fundacion E Fortaleza y Sosten pa Famia.

Manda nos bo peticion di oracion via Whatsup 7403237 of 6619150 of email: fortalezapafamia@gmail.com.

Sinceramente,
FUNDACION E FORTALEZA Y SOSTEN PA FAMILIA.
Marcel Balootje,
President.



Obituario



Publica serka nos anuncio di fayecimento di bo ser ker. Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera

Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 Afi 400,00

Pa mas informashon por tuma contacto cu oficina na
585-9500 of na 741-4554





SOLODIPUEBLO@GMAIL.COM
CEL. 585 9500



Centro di Bario Noord ta victima di un racha di vandalismo

“NOS MESTER PROTEHE E LUGAR UNDA NOS MUCHANAN DI NOORD TA CRECE Y DESAROYA.”



NOORD - Centro di Bario Noord a sufri atrobe un daño hopi serio e siman aki na su veld di baseball. Hobennan sin respet pa comunidad a subi e veld pa haci vandalismo y destruccion. Prome nan a kibra tur e bentananan di e cabina di transmision. E siman aki atrobe nan a haci daño grandi: cabelman di coriente a keda corta, e waya di e batting cage a keda destrui, y como consecuencia e entrenamentonan cu iluminacion no por tuma lugar.

Manera si esaki no tabata suficiente, awe mainta nos a haña un otro golpe duro: tur e rolman di matnan special di yerba artificial cu tabata destina pa mehora tur dos veldnan di baseball a keda cendi na candela y a keda completamente destrui.

E daño ocasiona ta afectando directamente



200 mucha y hoben di Noord cu ta practica y ta activo den baseball na CBN. CBN tin actualmente 130 mucha y hoben di edad entre 5 y 16 año

cu ta entrenando na e veldnan di baseball di CBN bou di CBN Eagles. Ademas CBN tin tambe hobennan di edad 17 bay pariba: en total 70 cu

ta practica na e veld di baseball di CBN (CBN Noord Indians).

“Esaki no ta solamente daño na material. Esaki ta daño na futuro di nos muchanan.”

Baseball na Centro di Bario Noord no ta solamente un deporte.

Ta un lugar unda muchanan ta siña diciplina, respet, responsabilidad, trabou duro y trabou den ekipo. Ta un lugar unda talento ta desaroya y unda muchanan ta keda na un

caminda positivo.

Nos mester proteha e luganan unda nos muchanan ta crece y desaroya. E veld di baseball ta di nos comunidad y ta cu hopi lucha sodor y sacrificio a yega pa tin'e na unda e ta. Si nos no proteha esaki, of si nos no sigui inverti den dje, nos ta perde hopi mas cu solamente un veld.

Centro di Bario Noord a entrega denuncia y ta inventarisando tur e daño material y inmaterial.

SOPÍ DI LETRANAN

E C U B A A C I R A T S O C C X L

M L A I R O T A U C E A E N I U G

N Q A D V X U R U G U A Y P C H C

O G L I O X K H B W N G D E S D E

C Q E P G M E R L K C O C H A U L

I R U H A B I L M W L V D C R N S

R R Z Q Q R J N I S Q O W U U C A

O O E G R B G O I H R E P A D O L

T V N V N T C E A C C Y I D N L V

R A E P A I D Ñ N P A V U R O O A

E L V L X U A R A T I N X K H M D

U A E É B P G N O L I E A Q H B O

P M M P S Ú A A O D E N N T M I R

H E A E R M A B R C A F A Z R A A

P T L E Á O K P L A G U P Z N C L

Z A P S Q G I R O M C E C W N G J

J U X Y A U G A R A P I Z E U P V

U G C P R N P D E Q I V N L G E D

ARGENTINA

BOLIVIA

CHILE

COLOMBIA

COSTARICA

CUBA

DOMINICANA

ECUADOR

ELSALVADOR

ESPAÑA

GUATEMALA

GUINEAECUATORIAL

HONDURAS

MÉXICO

NICARAGUA

PANAMÁ

PARAGUAY

PUERTORICO

PERÚ

URUGUAY

VENEZUELA



Oracion di dia

Un dia fructifero colma cu gracia na abundancia

El a contesta: 'Hipocritanan, profeta Isaías a describi bosó bon bon ora cu el a bisa, manera ta skirbi: E pueblo aki, Dios ta bisa, ta alaba Mi cu nan boca so, ma den nan curason nan ta leu fo'i Mi. (Marco 7,6)

Locual ta molestia Hesus ta e hipocresia, e hipocrita ta fingi desconoce algo of fingi di ta inocente. Si tin buraco den e ley e lo uze p'asina hustifica locual e ta haci pa su cumbinencia. Esaki ta un blasfemia paso Dios bo no por gaña pero ta fingi desconoce of simplemente no ta worry. E di ocho mandamento ta bisa pa hende no lanta falso testimonio ni tampoco gaña. Nos por puntra nos mes si na tur momento nos ta consciente di esaki y nos ta haci esaki. Hopi biaha nos ta faya, haci redo of lanta falso testimonio riba otro hende, p'esaki nos lo mester reflexiona y pidi pordon, confesion ta importante pa nos haci, p'asina cambia nos bida y pa sigui biba un bida corecto den fe y cu un curason limpi di pica y di tur mal pensamiento p'asina nos no ta hipocrita y sigui riba caminda di Dios.

Oracion: Señor Hesus, duna nos e gracia di por compronde bo palabra y laga nos no wak e splinter den e wowo di otro mas bien yuda nos mira e biga den nos mes wowo. P'asina nos no gaña ni biba mane hipocritanan. Pa e motibo aki nos ta acudi na Señor, yuda nos cura nos mal accionnan cu ta aleha nos di e amor di Dios.

Amen

SUDOKU

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		5	3					
8							2	
	7			1		5		
4					5	3		
	1			7				6
		3	2				8	
	6		5					9
		4					3	
					9	7		

SABIDURIA DEN NOS ALEGRIA

Skirbi pa Ruthy”Lady Ruth”Vrieswijk-Bergen

DUSHI BONEIRO. DUSHI HENDE



Ruthson Bernabela “Yuyu” , a duna nos splicacion extenso di e trabaonan na e salinjanan di salo, con esaki ta hinca den otro cu tur su detayenan. Un homber fuerte cu amor gigantesco pa tur locual tin di hasi cu laman y pisca. Nos a topa cu shonnan burico para den grupo of par par ta cana den mondi y cant’i caminda caminda autonan ta pasa yen di turista cu ta strooi pida pida pan pa nan. Nos a topa cu Boneiro su bunita flora y fauna den ful su splendor den un solo raya cu warawara y pelikaan bulando halto pasa dilanti nos bentana di kamer di hotel na di dos piso. Yuwananan berde y grandi a bishita nos den restaurant band’i pisina. Pero... nos motibo principal di nos estadia dushi na Boneiro tawata Lady Ruth su participacion Diamars anochi, dia 3 di Maart 2026, como Poeta den nan actividad mensual “Luna Yen” cu e luna aki a tuma lugar na cunucu biew cu presencia di un grupo bunita di nos grandinan y hunto cu e demas dushi hendenan cu ta atende, presencia y of participa na Luna Yen a conta cu casi 150 hende. Un anochi magico special y unico den su estilo cu hopi amor pa nan bario. Nos a inspira dos poema pa Boneiro y a recita tambe e poema “Mainta riba montanja” di escritor Carlos Nicolaas, saca for di e buki Pueblo di Kunuku Bieu -historia di un Barrio skirbi pa Boi Antoine na 1998. Ki bunita anochi ! MC Ubaldo “Bubu” Anthony, esposo di Yolanda, a dirigi e anochi den un forma sublime y hopi poeta a recita nan bunita poema, e.o. Tica Nicolaas y Regina”Uchi”Frans Anthonie. Por a scucha un grabacion di bos tremendo di Theo “Kabuki”Frans cu asina tambe a participa den Luna Yen cu hopi amor pa su bario. Diaranzon anochi nos a goza un mundo na Chogogo Hotel cu musica folklore tipico “Tutti Fruti”cu un repertorio di kita sombre ! Mi dushi oldiesnan na papiamento, Toch mi sa di Rudy



Mi curason. Mi curason ta papia awe den lenga di amor y gradicimento pa tur nos dushi hendenan di nos isla ruman Boneiro. Tawata 4 dia impactante y interesante yen di bendicion riba e dushi isla aki, cu su bunita naturalesa. Rondona pa laman blauw cla scur cu santo blanco dorna pa e kokolishi y piedranan di mas bunita. Den otro awanan flamingonan ros para of ta move suave den tur nan elegancia. Nos a drenta den casitanan chikito historico di esclavo di temponan atras, color blanco y color geel. Nos a piki klompi salo na e salinja di salo den awanan color ros blink manera diamante. Nos a sera bunita amistad cu e dama mas activo, mas bunita mas elegante trahando duro riba tur tereno social cultural , gozando di su pensioen , e hende muhe empodera y activo di Boneiro Magaly Sumpter cu su nombrenan artistico Magasu y Lady Bratz. Un actrice grandi di pelicanan filma na Boneiro. Un shon di dama artista Poeta escritor stima pa tur cu curason inspira den tur proyecto cultural bunita riba e isla dushi aki, cu su hendenan nechi carinioso hopi amabel cu curason di oro. Lieve Magaly ta un di e yuinan tesoro di Oma Pipa Raimunda Martis, e curandera grandi di Boneiro, cu nos a bishita. Ki honor grandi pa Lady Ruth topa cu e gran dama aki, cu ta yuda hopi awor pa medio di su poderoso oracion. E cabayero gentil esposo di Magaly,

Plaate di Corsouw, Abo so di Padu Lampe di Aruba y mas, hopi mas ! Tambe nan a toca y canta cantica di e country singer John Denver. Tremendo ! Un trio di damas, entre nan, lieve Ema Sint.Jago cu algun anja atras a ricibi su Tapushi Literario hunto cu Lady Ruth, for di mannan bondadoso di Arte di palabra Corsouw, a canta algun set di canticanan super pero super bunita mes ! Canta y yanga baila riba e dushi ritmo di e banda musical Tutti Fruti cu cantante estelar Roly Casimiri. Ruthy “Lady Ruth” a canta, bayla y hasta toca un sorto di tambu. Danki lieve Lady Shirley Martis y Lady Magaly pa e dushi compania ! Danki pa boso amor y amistad ! Nos ta yama danki na un y tur cu a hasi nos estadia di 4 dia asina dushi, asina special ! Nos no tin palabra suficiente pa gradici boso nan tur pa e atencion, e amor, e alegria cu boso a yena nos curason y nos alma cu ne ! Nos a traha tempo tambe pa a bishita

Biblioteca Publico di Boneiro situa den Kaya Amsterdam Kralendijk, pa hasi entrega di e buki “Rene su dushi wega” cu Lady Ruth a skirbi y publica no mucho tempo atras. Nos a hasi entrega di buki tambe na Fuhikubo , Boi Antoine, pero di eseynan y mas den nos siguiente relato. Nos espacio normal di nos relato pa awe ta yen caba. Danki pa lesa nos relato cu dushi y bunita chispanan di nos isla ruman Bonaire y su bunita y dushi hendenan. Capitulo 2 ta bini despues. Saludos y un “bearhug” di Ruthy “Lady Ruth” Vrieswijk-Bergen.

